

List of Signatures

Page 1/1

 Sak 030-23 Vedlegg 1 Utgreiing Åpenhetsloven.pdf

Name	Method	Signed at
Bryne, Inger Cathrine	BANKID	2023-06-15 17:59 GMT+02
Hansen, Eivind	BANKID_MOBILE	2023-06-26 08:38 GMT+02
HOVLAND, ANDERS	BANKID	2023-06-14 09:06 GMT+02
Hoell, Stian	BANKID	2023-06-13 13:13 GMT+02
Gjemdal, Eivind	BANKID_MOBILE	2023-06-13 10:06 GMT+02
Bakke, Silje Ljosland	BANKID_MOBILE	2023-06-12 16:04 GMT+02
Schøyen, Helle Kristine	BANKID	2023-06-22 22:22 GMT+02
Sjøtun, Agnete Waldine Honningsvåg	BANKID_MOBILE	2023-06-19 10:16 GMT+02
Varden, Arve	BANKID_MOBILE	2023-06-16 10:08 GMT+02
Nygård, Merethe	BANKID_MOBILE	2023-06-16 08:52 GMT+02



This file is sealed with a digital signature. The seal is a guarantee for the authenticity of the document.

External reference: 5472B9AMD1ED4C7DA4132F49B887C539

Utgreiing Openheitslova - aktsemdsvurdering

Oppsummering

Etter Openheitslova¹ §5 skal verksemdar greie ut for aktsemdsvurderingar etter §4. Føremålet med lova er å sikre at verksemdar fremjar respekt for grunnleggande menneskerettar og anstendige arbeidsforhold ved produksjon og levering av varer og tenester. Lova er eit verkemiddel i arbeidet med å fremje FN sitt bærekraftsmål.

Openheitslova forpliktar verksemdene til å gjennomføre aktsemdsvurderingar. Med aktsemdsvurdering meinast det systematisk arbeid med kartlegging og utgreiing av korleis risikoen for negativ påverknad blir handtert, førebygging og avgrensing av denne, samt læking av potensielle skadar valda på menneske, samfunn og miljø.

Krava til aktsemdsvurdering tek omsyn til FN sine prinsipp for næringsliv og menneskerettar (UNGP) og OECD sin modell for aktsemdsvurderingar for ansvarleg næringsliv.



Verksemda

Helse Vest IKT AS er eit dotterselskap av Helse Vest RHF, eit regionshelseføretak for spesialisthelsetenesta i Vestland og Rogaland fylke. Selskapet har kontor i Førde, Bergen, Haugesund og Stavanger, og er leverandør av IKT-tenester og IKT-utstyr til alle føretaka i Helse Vest, samt til nokre private/ideelle aktørar som har avtale om levering av helsetenester til Helse Vest.

¹ («Lov om virksomheters åpenhet og arbeid med grunnleggande menneskerettigheter og anstendige arbeidsforhold»)



Helse Vest IKT er delt inn i to stabfunksjonar; HR og Fellestenester, og i seks avdelingar; Strategisk IKT, Verksemdsutvikling, Tenesteutvikling, Regionalt EPJ-fagsenter, IKT-fagsenter og Tenesteproduksjon. Administrerande direktør rapporterer til styreleiar, og styret har 10 styremedlemar i tillegg til styreleiar. Selskapet sitt øvste organ er generalforsamlinga.

Helse Vest IKT AS er plikta til å drive verksemda i tråd med dei etiske retningslinene i Helse Vest, samt følgje OECD sine retningslinjer for aktsemdsvurderingar.

Aktsemdsvurderingar 2022

Dette er den første rapporten som er laga med utgangspunkt i Openheitslova sine krav, og er eit arbeid som vil gå over tid. Helse Vest IKT AS forpliktar seg til å fremje og respektere menneskerettar og anstendige arbeidstilhøve, og skal ta denne forpliktinga inn i etiske retningslinjer, samt retningslinjer for innkjøp.

Helse Vest IKT AS skaffar i all hovudsak varer og tenester gjennom nasjonale og regionale avtalar inngått av Sykehusinnkjøp HIF. Sykehusinnkjøp HIF er, i samsvar med regelverket for offentlege anskaffingar, dei nasjonale og regionale helseføretaka sin innkjøpssentral. Sykehusinnkjøp HF er medlem av Etisk Handel Norge, og samarbeider med andre store anskaffingsaktørar, som t.d. Statens Innkjøpssentral og Oslo Kommune, når det gjeld samfunnsansvar og aktsemdsvurderingar.

Sykehusinnkjøp HF nyttar denne modellen for aktsemdsvurderingar for ansvarleg og berekraftig forretningspraksis:



Sykehusinnkjøp HF utfører aktsemdsvurderingar på anskaffingar for å førebygge risiko for brot, samt handtere faktiske brot på menneskerettar i leveransekjeda i samsvar med OECDs retningslinjer og i tråd med Openheitslova. Les meir om aktsemdsvurderingar og



Årleg utgreiing for Sykehusinnkjøp HF her: [Samfunnsansvar - Sykehusinnkjøp HF \(sykehusinnkjop.no\)](#).

Det er etablert kommunikasjonslinjer mellom Sykehusinnkjøp HF og Helse Vest IKT AS i samsvar med inngått samarbeidsavtale², og Helse Vest IKT AS sitt ansvar er å følge opp i samsvar med denne. Dersom Helse Vest IKT AS har mistanke om brot på menneskerettar innan eit område Sykehusinnkjøp HF har inngått avtale på, skal mistanken varslast via e-post til avtaleforvaltning@sykehusinnkjop.no.

Helse Vest IKT AS sitt arbeid med samfunnsansvar og aktsemdsvurderingar ved kjøp av varer og tenester vert utført av Sykehusinnkjøp HF (for meir informasjon om dette, sjå deira utgreiingsrapport for 2022³). Sykehusinnkjøp HF har i fleire år jobba strukturert og målretta med etisk handel, og vedtok i 2017 ein policy for samfunnsansvar etter ein innspelsrunde i helseregionane.

Sykehusinnkjøp HF tek omsyn til samfunnsansvar m.m. i dei prosessar og rutinar som gjeld anskaffingar, og både kartlegg og avdekkar negativ påverknad og risiko i samband med anskaffingar og etterfølgjande kontraktsforvaltning. Dei har òg identifisert risiko for negativ påverknad eller skade på menneske, samfunn og miljø, både i leverandørkjeda og når det gjeld forretningsforbindelsar. Det har så langt ikkje blitt avdekkja konkrete faktiske negative konsekvensar, men risikoområder av vesentleg betydning for Helse Vest IKT har blitt identifiserte, og er under arbeid.

IKT-anskaffingar er identifisert som høgrisikoområde, og då spesielt IKT-hardware. Risikofaktorar her er tvangsarbeid, samt helse, miljø og sikkerheit, spesielt med tanke på Kina. På bakgrunn av dette er IKT blitt singla ut som prioritert område, då det er høg risiko for brot på arbeidstakar- og menneskerettar i verdikjeda. Leverandørkjedene i IKT-bransjen er lukka og lite transparente, noko som både gjer det vanskeleg å identifisere reell risiko, samt kompliserer arbeidet med bransjen. Det er difor samarbeid med fleire aktørar på anskaffingssida, og gjennom desse samarbeida er det gitt forslag til forbetringar.

Som eit ledd i arbeidet med aktsemdsvurderingar vil Helse Vest IKT AS ha dialog med Sykehusinnkjøp HF, med særleg fokus på vesentlege risikoområder og oppfølging av desse. Sykehusinnkjøp HF gjer djuptgåande risikoanalysar med tiltaksplan for kvar enkelt kategori gjennom kategoriprogrammet.

² (Tjenester 1.7.1 Samfunnsansvar).

³ «Redegjørelse rapporteringsåret 2022».



